

1645.

DE  
**STRABISMO.**

DISSERTATIO INAUGURALIS PHY-  
SIOLOGICO - PATHOLOGICA,

QUAM,  
CONSENSU AMPLISSIMI MEDICORUM ORDINIS

IN  
UNIVERSITATE CAESAREA LITERARUM  
DORPATENSI,

PRO GRADU  
**DOCTORIS MEDICINAE**

LEGITIME IMPETRANDO,  
LOCO CONSUETO PUBLICE DEFENDET  
AUCTOR

**GUST. HIER. EHRENBUSCH,**  
ESTHONUS.

---

DORPATI LIVONORUM.  
TYPIS J. C. SCHÜNMANNI, TYPOGRAPHI ACADEMICI.  
MDCCXXXIII.

**I m p r i m a t u r**

haec dissertatio ea conditione, ut quum primum ex  
officina emissâ fuerit, quinque ejus exempla collegio  
libris explorandis constituto tradantur.

Dorpati Liv. die XIX. mens. April. MDCCCXXXIII.

Dr. Fridericus Erdmann,  
Ord. Med. h. t. Decanus.

DNT63  
46375624

**AMICO DILECTISSIMO**

**CAR. EDUARD. DE LIPPHART**

**HAS STUDIORUM PRIMITIAS**

**OFFERT**

**AUCTOR.**

## Introductio.

Antequam de strabismo ipso agamus, necessarium mihi videtur nonnulla de physiologica organi visus ratione praemittere, ut infra inde explicare possimus statum pathologicum, qui adest in strabismo.

Ex antiquissimis temporibus physiologi, ratione sufficiente solvere studuerunt quaestionem, quomodo fiat, ut quodvis objectum, homini, duobus oculis instructo tamen appareat simplex. Prioribus temporibus, qui rem illam illustrare conati sunt, in duas abierunt sententias, quarum una erat, in statu normali unum modo oculum agere, si vero ambo oculi eodem tempore essent activi, adessem statum innormalem, atque in actione ejusmodi causam strabismi quaerendam. Huic sententiae recentioribus temporibus Gall \*) quoque adsentiebatur; — sed Rudolphi \*\*) eum refutavit.

---

\*) Gall et Spurzheim Anat. et Physiol. du systeme nerveux. Vol. I. p. 190 sqq. A. 1810.

\*\*) Rudolphi's Physiologie.

Secundum alteram sententiam, is status habendus est normalis, si ambo oculi simul agunt, Nunc quidem lis illa directa esse videtur, cum omnes nostri temporis physiologi in eo consentiant, in visu normali semper ambos oculos simul esse in actione.

Diversissimae propositae sunt theoriae, quare fieri possit ut anima nostra unam tantummodo rei in oculos cadentis imaginem accipiat; quas omnes hic enumerare longum est, — quare de nonnullis earum tantum loquar. Primum ejus mentionem faciam, secundum quam phaenomenon illud eo explicari posse credebatur, quod nervorum opticorum confluxus in chiasmate statuebatur. Hujus theoriae auctor est Galenus; multique ei sunt adstipulati, novissimis temporibus inter alios Hyde Wollaston \*); alii vero perfectam nervorum opticorum decussationem assumserunt. — Attamen nec perfectam decussationem nec confluxum nervorum opticorum causam esse posse, cur res simplices videamus, jam hoc experimento potest demonstrari: si alterutrum oculum sursum premissus res in oculos cadens statim nobis appetit duplex; quod phaenomenon secundum hanc theoriā locum habere non posset, nam sursum presso oculo, nervi in chiasmate non separantur, sed conjunctio eorum remanet, ergo haec visus simplicis conditio non tollitur. Nemo quidem nunc, nervos opticos in chiasmate de-

---

\*) Philos. transact. 1824. T. I. p. 229.

cussari negabit, ex quo Langenbeck eorum decussationem cultro anatomico probavit, iconibusque ostendit \*); (J. Müller quoque imagines praeclaras hujus rei perfecit). Sed neque Langenbeck, neque alii, qui chiasma perscrutati sunt, perfectam decussationem vel adeo confluxum nervorum opticorum invenerunt.

Alii proposuerunt theoriā, certa unius retinac loca certis alterius respondere sive analogia esse debere, unde fieret, ut, si rerum imagines in illa analoga retinarum loca incidenter, anima nostra simplicem modo cujusque rei imaginem acciperet. Huic theoriae addicti erant Briggs \*\*) et Vater \*\*\*); sed in errore versabantur, putantes, segmentum retinae unius internum interno alterius respondere, externum externo. Hoc errore rursus omnino abducti sunt a via vera, cui, ut infra videbimus, appropinquaverant.

Novissimo tempore Johannes Müller \*\*\*\*) theoriam illam denuo in medium protulit. In expositione sua subjectivū visus phaenomenon supponit; dicit enim, in ambobus oculis certa retinae loca sibi respondere, quae si premantur, unam tantum eandemque pressionis figuram (imaginem lucentem) exhibeant, et quidem uno

---

\*) Icon. anat. Neurol. Fasc. III, Tab. addit. ad Tab. XX Fig. I et II.

\*\*) Nova visionis theoria. London 1685.

\*\*\*) Diss. de duabus visus viis. Witemb. 1723.

\*\*\*\*) Beiträge zur vergleichenden Physiologie des Gesichtssinnes.

eodemque loco campi visus subjectivi; haec duo puncta igitur, cum, si ambo simul premantur, unum tantum sensum efficiunt, ratione effectus eadem habenda esse. Si extra haec puncta duo alia bulborum, ergo etiam retinarum simul premantur, apparere etiam duas imagines diversas, earumque alteram ab altera esse eo remotiorem, quo longius punctum in uno oculo pressum absit ab eo, quod punto in altero oculo presso respondeat. Cum jam experimentum, quod Müller copiosus exponit, demonstret, figuram quae producatur externo bulbi unius oculi latere presso, eandem esse cum ea, quae gignatur interno alterius oculi latere presso (aeque longe a cornea ad canthum internum, atque in altero oculo ad canthum externum) — inde — atque ex mathematica visus objectivi expositione elucet, internam retinae partem in uno oculo perfecte respondere externae ejus parti in altero oculo; — contra, externam retinae partem in uno oculo ab externa alterius retinae parte diffiteret. — Hinc apparet, duo dimidia unius ejusdemque retinae aeque differre, ac duo dimidia externa vel interna amborum oculorum. Si congruentia amborum oculorum loca afficiuntur, unam eandemque imaginem lucentem gignunt; loca differentia vero producunt duas imagines distantes. Differentia amborum oculorum loca omnino ita se habent, tanquam affectus modo in diversa loca unius ejusdemque oculi ageret; ergo retinae ambae amborum oculorum unum tantum visus campum formant.

Ex allatis experimentis subjectivis ergo concludere possumus, nos in re aliqua contem-

planda tunc solum accipere posse unam imaginem, si radii ex re illa in oculos nostros influentes in respondentia retinarum puncta incident. — Experientia quoque idem nos docet: oculorum directio ad rem, quam videmus, ea esse debet, ut eorum axes in re ipsa coeant; itaque in re aliqua contemplanda una tantum ratione oculorum axes ita inter se directi esse possunt, ut res illa simplex appareat; in quavis alia axium directione duplificem eam apparere aportet.

Ante sensus visus eruditionem, ubi infantes amborum oculorum axes nondum ita dirigere didicerunt, ut in re contemplanda concidant, semper duas rei objectae imagines cernunt; — dum igitur hanc turbationem evitare student, tamdiu axium directionem mutant, donec res visa simplex iis appareat, quod fit, si axes in objecto coeunt. Hoc experimento jam saepissime repetito, tandem infans eo pervenit, ut quasi involuntarie axes ita dirigat, ut radii ex re contemplanda incident in retinarum centra, quae loca omnium facilime luce afficiuntur. Seriore igitur aetate turbationem ejusmodi non percipiimus; tamen pro arbitrio nostro axes ita possumus dirigere, ut imagines duplices videamus.

Hac ratione videndi organa re vera erudi ri, cuivis persuasum erit, qui infantium oculos in re aliqua contemplanda huc illuc moveri observavit. — Praeterea praecleari physiologi, ut s' Gravezande \*), Le Cat \*\*), aliquie hanc sententiam edixerunt.

\*) Physic. element. mathem. Lgd. 1742.

\*\*) Traité de sens 1744. p. 217.

Pravaz \*) huic eruditioni organorum vi-dendi objicit, quod videndi facultates expertes nati, postea vero eam adepti, nunquam quaestii sint res sibi duplices apparere; sed homines ejusmodi jam ceteris sensibus judicium de rerum natura nati sunt, et rectam videndi viam hac ex causa tam cito addiscunt, ut non habeant, cur de visus turbatione querantur; praeterea etiam, qui coeci nati sunt, nimirum si cataracta laborabant, semper jam antea lucem quadamtenus senserunt, atque oculi igitur, si adulta aetate hoc vitio liberati erunt, facilius justam invenient directionem.

Cum omnia unius retinae puncta inter se differant, propter hanc rem etiam fieri posse necesse est, ut uno oculo imagines duplices videamus, si alteri radiarum ex re objecta venientium in internam, alteri in externam retinae partem incident. Vere casus esse, ubi hoc tum ut physiologicum — tum in aliis exemplis ut pathologicum phaenomenon animadvertisatur, experientia probatur; — si, ex. gr. oculus myops perticam remotam adspicit, haec ei apparet duplex, quoniam tantummodo ad res propiores accurate cernendas aptus est; radii igitur ex rebus remotioribus effluentes jam ante retinam decussantur ergo in ea disperguntur, atque in loca differentia incident, quare pertica jam simplex apparere nequit.

\*) Considerations sur quelques maladies de la vue in Archiv gener. de medic. T. VIII. p. 67. 1825.

Ut phaenomenon pathologicum illud obser-vatur ex. gr. in eo casu, ubi per ophthalmiam oculi media radios frangentia, quod attinet vel densitatem vel planitatem ipsorum, ita mutata sunt, ut diversam lucis frangendae facultatem adepta sint, i. e. ut alio loco majorem, alio minorem lucis frangendae facultatem habeant; eo, ut facile intelligitur etiam incidentes lucis radii disperguntur, imaginesque duplices gig-nunt.

In iisdem casibus allatis tum quoque ima-gines duplices apparebunt, cum ambo oculi agent, quia oculorum axium directio e refractio-nis statu pendet, et quia affectio differentium punctorum in ambobus oculis prorsus eadem est, ac si diversa unius ejusdemque retinae loca af-ficerentur.

Hic consideratis quaestio nobis obvia fit, quanam ratione se habeant chiasma et nervi optici ex ipso exeuntes, sive quomodo fiat, ut retinae ita prorsus congruentes sint; quam qui-dem quaestione Joh. Müller \*) rem hac via exponens solvere conatur;

Uterque nervus opticus, e permultis tenui-bus fibris compositus, oritur e sui lateris thalamo et ad nervorum opticorum chiasma pergit, ubi hac ratione decussatio locum habet: quae-vis fibra nervi optici dextri hic finditur in duos ramos, quorum alter ad externum dextri oculi latus, alter ad internum sinistri tendit; fibrae

\*) In libro citat:

nervum opticum sinistrum efficients eodem modo in chiasmate finduntur, eorumque ramus sinister, externum sinistri oculi latus, dexter internum dextri adit. Ea igitur nervi optici pars, quae trans chiasma jacet et a Müllerio radix chiasmatis appellatur, prorsus aliter composita est, atque ea, quae citra illud sita est; in illa parte omnia elementa i. e. fibrae et inter se et ab elementis in altero nervo optico differunt; in parte vero citra chiasma sita in uno eodemque nervo optico quidem etiam differunt, sed fibrae lateris dextri dextri nervi optici congruentes sunt cum fibris lateris sinistri sinistri nervi optici, quoniam elementa differentia in chiasmate finduntur in ramos respondentes pro ambobus oculis. Sic fibrae ad oculos perveniunt, ibique retinarum loca respondentia efficiunt.

Hanc sententiam veram esse Müller sectis animalibus demonstravit.

Argumentum ejus est etiam amaurosis dimidiata, sive semivisus, qui derivari non potest a protopathica ipsius retinae paralysi, nam hoc vitium semper ambos oculos simul corripit et certo originem dicit ex perfecta paralysi alterius unius radicis chiasmatis, vel earum alterius cerebri lateris partium, e quibus illa oriuntur, thalamo vel dimidia partis corporis quadrigemini.

Hyde Wollaston \*) ex amicis suis quendam semivisu laborasse narrat, eumque potuisse le-

\*) Philos. transact. 1824.

gere et scribere, ita tamen ut manum scribentem non videret. Affectio igitur unius radicis chiasmatis vel locorum, unde oritur, partialis, partialē modo unius lateris amborum oculorum paralysin adducit. In casu ejusmodi necessario loca amborum oculorum respondentia paralysi correpta esse oportet, nam nisi res ita se haberet oculus sanus oculi affecti partis paralysi correptae vicibus in visus campo fungetur.

Jam viam nunitam esse credo, qua ad strabismum ipsum considerandum transire possimus.

### Strabismus.

Strabismus (*στραβισμός* a *στρεφω* = converto, contorqueo) status appellatur morbosus, in quo oculorum rem aliquam contemplantium axes a directione, qua in statu normali inter se et ad objectum utuntur, aberrant.

Nec tamen haec definitio, quae tantum gravissimum hujus morbi symptoma continet, causam proximam ejus ante oculos nobis ponit — et mihi quidem fieri non posse videtur, ut definitio sufficiens simulque omnibus strabismi speciebus accommodata exhibeat, cum singularum specierum cause tam diversae sint, ut fere quaeque earum propriam requirat definitionem.

Si aegrotum hoc vitio laborantem adspiciimus, uno ejus oculo in rem, quam visu percipere velit, directo, alterum oculum in punctum aliud versum esse animadvertisimus. In motionibus etiam oculi sani saepe affectus oculus simul moveretur, alias tamen circulos describat, ac sanus, ita ut axium inter se directio semper eadem innormalis maneat, quae in oculorum statu quieto fuit. Hoc phaenomenon locum habet aegroto ipso inscio, nisi ab hominibus circumstantibus vel per speculum hujus rei certior fit — ipse enim putat, ambos oculos suos in unum idemque punctum esse versos. — Oculo sano clauso, plerunque neque tamen in omnibus casibus, oculum affectum directionem normaliter accipere, aegrotumque, dum solo aegro oculo natatur, eum pro voluntate sua in quamlibet vertere posse directionem videmus. Memorandum vero est, quamvis aegrotus hac ratione quidem oculo laboranti quamlibet directionem dare possit, visum tamen plerunque parum perspicuum et accuratum esse. — Simulac vero oculus sanus aperitur, in eamque rem vertitur, in quam modo oculus strabismo affectus erat directus, hic statim in directionem vitiosam abit, eodem fere momento, quo alter oculus agere incipit, in canthum sive externum sive internum se volvens, atque in hac directione perdurans, ita ut cum alterius oculi, motionibus non congruat.

Symptoma, quod in strabismi ortu fere nunquam deest, *diplopia* est. Ex iis, quae in introductione de hac re dixi, hujus symptomatis causa facile explicatur: cum enim una tantum

modo oculorum axium directio repertiatur, per quam radii in respondentia retinarum loca incident — quae erat conditio visus simplicis — haec directio vero in strabismo desideretur, imagines duplices apparere, necesse est.

Nec tamen semper ratio, quae diplopiae cum strabismo intercedit, ea est, ut illa hujus symptoma sit — sed interdum etiam diplopiam videmus per se occurrere sine strabismo; contra etiam, ut infra videbimus, exempla strabismi reperiuntur, ubi non adest diplopia, ne initio quidem morbi. Porro inter hos duos status interdum ea ratio obtinet, ut diplopia protopathicā statim desinat, simulac strabismus ut viuum deuteropathicum accedit, quippe qui tum natura adducatur, ut eo visus turbatio, diplopia genita, tollatur; strabismus igitur hic se ostendit diplopiae remedium; casus ejusmodi, in quibus res ita se habet, infra accuratius considerabimus.

Unde vero fiat, ut diplopia in iis strabismi casibus, in quibus morbo incipiente animadvertebatur, — frequentissimis quidem, ut jam diximus, — morbo diutius perdurante desinat, — hoc vario modo explicare conantur scriptores.

Treviranus \*) et Steinbuch \*\*), multique alii ante eos contendebant, organorum videndi eruditione campos visus congruentes esse factos,

\*) Biologie T. VI.

\*\*) Steinbuch, Beitrag zur Physiologie der Sinne.  
1811.

atque, si strabismo incipiente diplopia observeatur, postea, pro oculorum perversae directionis ratione nova, a prioribus diversa puncta retinorum respondentia fieri, eaque re, quamvis strabismus restaret, tamen visum simplicem restitui. Sed disquisitiones, quas Reid \*) Buffon \*\*) Fischer \*\*\*) et Müller \*\*\*\*) instituerunt, docent, etiamsi strabismus diutissime perduret, tamen puncta retinorum ab initio respondentia semper manere eadem, nec mutari. Strabismo laborans, oculo sano obtecto, statim oculum affectum ad rem, quam conspicere vult, directa via advertit, neque directionem innormalem, aversam, servat.

Weller †) dicit, strabismo incipiente nervorum vim omnino integrum manere posse, tuncque adesse diplopiam; sed paulatim viribus oculi strabismo affecti magis magisque diminuit, quoniam res objectas attente adspicere desinat, eoque nervorum vires necessario languescant, diplopiam tolli. Attamen etiam haec explicatio rejicienda videtur, nam diplopia non tum demum desinit, cum jam oculi strabismo affecti amblyopia exorta est, sed nonnunquam jam diu evanuit et tamen oculus aegrotus, sano clauso, functionem suam exsequi valet.

\*) Inquiry into the human mind. p. 257.

\*\*) Mem. de l'Acad. de Paris. 1743.

\*\*\*) F. N. Fischer: Theorie des Schielens. Ingolstadt 1787.

\*\*\*\*) In lib. cit.

†) Weller's Augenkrankheiten. p. 380.

Vera autem causa, cur diplopia desinat, ex parte in eo posita esse videntur, quod oculus initio non tam gravi strabismo affectus serius tantopere contorquetur, ut rerum imago omnino in latere campi visus versetur, — maijore ex parte vero in eo, quod animi attentio paulatim magis magisque ab oculo strabismo correpto avertitur et tandem omnino oculo sano tribuitur \*).

Haec causa, quam ex deleta animi attentione deduximus, multo magis nobis vera apparabit, si perpendemus, in statu normali actionem oculorum, quos quidem simul agere ediximus, tamen tales modo esse, ut ex altero oculo in alterum transsiliat; — quoniam vero haec actionis vicissitudo tam celeris est, ut singula momenta quietis et actionis alternantis tam parva sint, ut ea nullo temporis spatio metiri possimus, ambos oculos eodem tempore agere jure dicimus. Cui sententiae hoc experimentum erit argumento: Si ante unum oculum tenemus vitrum flavum, ante alterum vitrum coeruleum, tuncque rem aliquam ambobus oculis attente ad spicimus, res illa nobis non appetet viridis, vel dimidia pars flava, dimidia coerulea, sed tota res citissima vicissitudine jam flava, jam coerulca.

Qum igitur in strabismo in uno tantum oculo causa sita sit, cur res videamus duplices, animi attentio magis magisque ab oculo aegro avertitur, quoniam animus eo turbationem ima-

\*) Müller: in lib. cit.

ginum duplicium evitat, tandem oculus strabismo affectus agere prorsus desinit, sano tantum oculo videmus, et modo, eo clauso, attentio ad oculum affectum revertitur, isque, nisi retinae receptivitas nimis diutina desidia jam omnino deleta est, rursus agere incipit.

Fieri posse, ut unus oculus solus agat, etiam in statu sano demonstrari potest; nam in diplopia voluntaria, haud apta oculorum directione producta, alteram imaginum duplicium, perversa oculorum axium directione haud mutata, ad libidinem supprimere et revocare possumus. Eodem modo etiam alteram imaginum duplicium delere valemus, quae nobis exoriantur, si eandem rem uno oculo per lentem, altero oculo libere et immediate adspicimus \*).

Directionis, quam oculus aegrotus in strabismo sequitur, quatuor sunt varietates: oculus enim aut *sursum*, aut *deorsum*, aut in *canthum externum* aut in *canthum internum* vergit.

*Sursum vel deorsum* oculus strabismo laborans rarissime versus est, et prior directio plerumque modo in infantibus invenitur, ubi tum strabismus, ut Beck \*\*), commemorat, etiam conjunctus esse solet cum nystagmo bulbi, sive nictatione, quae clonico palpebrarum spasmo constat, et alternante musculi elevatoris palpebrae superioris et musculi orbicularis palpebrae

actione se ostendit, ita ut nictatio continuo perfidet.

Saepius oculus aegrotus in *canthum externum* vel *internum* directus est; prior morbi species appellatur strabismus divergens, posterior strabismus convergens, qui multo saepius occurrit, quam strabismus divergens.

In nonnullis hominibus etiam ambo oculi strabismo laborant, cum ambo vel imperfecte modo vel omnino non hominis voluntati parent, atque in hoc casu oculi ant alternatim contorquentur, aut ambo eodem tempore.

Cum in oculo strabismo laborante videndi facultas paene semper imperfecta sit, homines, quorum ombo oculi strabismo affecti sunt, res modo imperfecte et minus accurate perspicere valent. Homines, quorum ambo oculi in *caanthum internum* sunt conversi, semper maxime sunt myopes, sive myopia hic potius strabismi convergentis causa est, nam tantummodo oculis ita directis axes eo loco convenient, quo res perspicue cerni possunt.

Strabismus esse potest morbus *congenitus*, vel *acquisitus*; in posteriore casu saepissime aetate infantili excolitur et quidem frequenter dentitionis tempore.

A strabismo *idiopathicō*, cuius causa invito prothopatico visus organorum sita est, distinguendus est *symptomaticus*, qui alia, remota via comitantur.

### Aetiologia.

Antiquissimis temporibus censebant, strabis-

\*) Müller: lib. cit. pag. 78.

\*\*) Beck: Krankheiten der Augen.

mum semper vitiosa membranarum oculi affecti insertione, et abnormi insertionis nervi optici loco niti. — Haec tameu opinio jam ea ex causa rejicienda est, quoniam tum strabismus semper esse deberet congenitus, quod contra experientiam pugnat, cum castis morbi congeniti rariores sint. Disquisitionibus anatomicis quoque istam falsam esse satis est demonstratum.

Causae, quibns hoc vitium gignitur, tam diversae sunt, atque tot varietates ejus producunt, ut omnes ad unam causam proximam refferri omnino non possint. — Quin etiam ejus sedes non semper eadem est, nam tum, ut postea accuratius exponemus, causa sita est in organis motionis oculi aliquis eum cingentibus partibus — tum in unius vel utriusque oculi innormali videndi facultate, saepe vero etiam in unius oculi inertia, quae tamen, ut jam supra ostendimus in plerisque casibus oriatur necesse est, quoniam, illa absente, diplopia continuum strabismi symptoma semper permanere deberet.

Necessarium igitur erit, momenta, quae normalem axium oculorum directionem tollere valent, accurate perlustrare, et rationem, qua hoc perficiant, perscrutari:

1. *Mala consuetudo* saepe in infantibus strabismum elicere videtur; in neonatis maxima reperitur oculorum mobilitas atque incerta directio in res objectas; quae se nimis prope ad oculos admoventur, hi directioni convergenti, quae ad res proximas contemplandas apta est, adsuescant; ad res remotiores attente adspiciendas oculi eorum tunc nondum sunt exercitati,

itaque res omnes sibi objectas, et remotiores et propiores, eadem convergente oculorum directione considerant; quoniam vero ea utentes nec accurate nec sine imagine duplice rem remotiorum conspicere possunt, neque iis, nisi per maximum laborem contingenter, ut amborum oculorum axes simul in eam dirigerent, unius modo oculi axem in rem adspiciendam vertunt, consueta convergente oculorum directione permanente, quare unus tantum oculus rem accurate cernit, alter initio eam videt in imagine duplice hanc satis perspicua, postea vero negligitur et in desidiam, eaque diutius persistante in amblyopiam incidit.

Interdum infantes eo fiunt strabones, quod nasi apicem adspicere consuescant — vel quod, si macula aut verruca in eo reperitur, hanc deformitatem contemplari solent — adsuescant igitur, oculos suos certae convergenti directioni, ergo processu prorsus eodem hoc in casu strabismus gignitur, quo in antecedente.

Infantium imitandi studium quoque consuetudine strabismum provocare potest, si quis hominum, quibuscum versantur, hoc vitio affactus est.

Makenzie \*) dicit: „der strabismus diversgens ist oft dem fehlerhaften Verfahren zu zuschreiben, ein Kind zu gewöhnen gleichzeitig auf zwei Lieblingsgegenstände zu schauen, die

---

\*) Praktische Abhandlung über die Krankheiten des Auges. a. d. Engl. Weimar 1832.

„aber von einander entfernt sind; liegt z. B.  
„ein Kind so in einer Wiege, daß das Fenster  
„auf der einen, die Amme auf der andern Seite  
„sich befindet, so kann es, statt abwechselnd  
„seine Augen bald dem einen, bald dem an-  
„deren Gegenstände zuzuwenden, sich daran ge-  
„wöhnen das eine Auge zu verdrehen, um das  
„Fenster und die Amme zugleich zu sehen.“

*Idem fere Beer contendit \*).*

Quamquam haec opinio primo adspectu speciem veritatis prae se fert, tamen omnino rejicienda est, — nam divergentem oculorum directionem, etiamsi maxime studeamus, non possumus ad libidinem producere, atque si adest, semper spasio vel paralysi alicuius musculari oculi, aut pressioni a latere interno adscribere debemus. Praeterea contra physiologiam pugnat et omnino non potest fieri, ut ambo oculi in res diversas attentionem suam vertant, nam etiamsi oculi divergant, res tamen, quae in oculorum axium directione sitae sunt, in subjectivo visus campo eodem loco concidere debent.

Neque admittenda est alia strabismi causa, quam Beer et Makenzie afferunt, affirmantes, si oculus maculis vel cicatricibus in media cornea parte, vel etiam partiali iridis cum cornea concretione, ergo coarctatione et dislocatione pupillae cogatur ab axe decidere, ut saltem aliquatenus videat, speciem quandam strabismi

\* ) Beer: über die Krankheiten des Auges.

oriri. — Haec strabismi causa esse non poterit, nam oculi morbi declinatione ab axe, visus non sicut magis perspicuus sed hac ipsa re imagines duplices existent; etenim, ut in introductione demonstravimus, tantummodo una eaque normalis directio oculorum axium inter se existat, qua res objecta simplex conspicitur, quavis alia duplex appareat necesse est. Praeterea, si causa allata vera esset, pupilla artificiali laterali, semper strabismus existere deberet; quod non fit, sed illa, ambobus oculis apertis in positione sua perseverat, et modo tum rei objectae e diametro advertitur, cum oculus sanus clauditur et oculus, in quo operatio instituta est, solus rem adspicere debet. Causa, cur in his casibus allatis strabismus oculi aegroti existat, in eo potius posita esse videtur, quod ille in universum negligitur.

2. *Morbosus facultatis videndi status strabismum producere valet.*

a. Si unius oculi facultas lucis frangendae ab illa, quae alteri oculo propria est differt, unus igitur oculus respectu alterius myops, hic rursus illius respectu presbyops est — eo strabismus nascitur. Haec causa est frequentissima et status ejusmodi saepe ophthalmiae praegressae sequela. Wenzel \*) ejusmodi differentiam inter amborum oculorum facultatem lucis frangendae cataractae operationem in altero oculo sequi vidit.

\*) Traité de la cataracte 1786 p. 165.

Buffon \*) primus de hac strabismi causa mentionem fecit. Cum oculorum axium directione ab eorum refractionis facultate pendeat, hoc in casu, si ex. gr. res remotior conspicienda est, uno punto convenire nequeunt, sed uno tantum oculo res accurate cernitur, dum alter oculus, qui directionem contortam ad eam habeat necesse est, initio imaginem minus claram accipit, et serius omnino iners fit.

b. Si unus oculus amblyopia laborat sensim sensimque etiam prorsus negligitur, et vis voluntatis in musculos etiam magis magisque minuitur, ita ut serius aegrotus, etiamsi oculus sanus clausus sit, affectum e directione perversa educere jam omnino non possit.

c. Amborum oculorum myopia quoque strabismi causa putanda est. Myopes etiam proximas res uno tantum oculo contemplari notum est, cum alterius oculi etiam myopia laborantis axis omnino aversus atque in longinquitatem directus sit, ita ut oculus aut parum accurate aut prorsus non videat. Etenim si myops ambobus oculis aliquid in propinquu ex. gr. legens scripturam, perspicue cernere vellet, oculorum axes deberent ita convergere, ut haec directio nisi maximo labore fieri non posset; itaque myops, si perspicillis non utens multa et quidem semper eodem oculo legit alterum prorsus

\*\*) Mem. de l'Acad. des sciences; diss. sur la cause du strabisme 1743.

neglit, quod tum in sempiternum a normali axe magis minusve detorquetur.

3. *Causa in oculi mediorum vitiis quoque sita esse potest.*

a. Interdum propter vitium in prima formatione punctum corneae maxime convexum non in oculi axe jacet, sed magis latus versus; hac ejus obliquitate radii directione innormali frangantur necesse est. Itaque si, dum unus oculus vitio ejusmodi affectus est, normalis axis directio locum haberet, diplopiam orihi oporteret; quam natura strabismo cavet. Quam ob rem, quorum cornea ita deformata est, inde a prima infantia strabismo, non tamen diplopia laborant \*).

b. Ex eadem causa innormali lentis positione sive congenita sive postea orta strabismus nascitur ut Warner \*\*) et Pelarg \*\*\* narrant.

In his duobus casibus strabismus remedium diplopiae habendus est.

4. *In oculorum organis motoriis strabismi causa inesse potest.*

Quamquam etiam in exemplis huc usque allatis, si morbus diutius perdurat, oculorum muscularum vitia accedant necesse est, tamen alii quoque strabismi casus reperiuntur, in quibus ille muscularum vitio primarie provocatur, ut: breviato uno alijs oculi musculo, quo

\*) Joh. Taylor: de vera causa strabismi. Lisb. 1739.

\*\*) Cases in surgery. Cas. 4.

\*\*\*) Med. und Chirurgische Bemerkungen.

oculi directionem obliquam fieri, liberamque ejus motionem magis minusve impediri oportet. Ex hac igitur causa jam strabismus convergens, jam strabismus divergens oritur, prout musculus aliquis interius vel externus affectus erit, et strabismus erit aut periodicus aut continuus, prout affectio permanens aut temporaria erit.

Hujus breviationis causae interdum sunt idiopathicae, ut inflammatorius unius alijsve musculi status; ex. gr. St. Yves \*) strabismum describit, qui rheumatici vitii sequela erat; — vel brevatio vulneratione \*\*) aut suppuratio-ne \*\*\*) producta est, aut vitium est congenitum.

Si ulceribus, vulneratione vel paralysi \*\*\*\*) etc. alicujus musculi vires debilitatae sunt, ejus antagonistae actio preevalet, tumque hic spastice contrahitur et strabismum gigait.

Via sympathica quoque oculorum musculi in actionem abnormem incidere et oculi directionem mutare possunt; quoniam vitia cum cerebri et systematis nervosi in universum, tum etiam aliorum systematum nervorum actionem in oculorum musculis alienant.

Gimelle †) strabismum cum diplopia oriri vident per plagam nervo supraorbitali eo loco inflictam, ubi e foramine supraorbitale egre-

\*) Nouveau traité des maladies des yeux. T. 3. p. 164.

\*\*) Klanbold, diss. de visu duplicato apud Hall, disp. med. pract. T. I. p. 364.

\*\*\*) Taylor of the eye. §. 220.

\*\*\*\*) Sauvages: nosologia methodica. T. 1. p. 528.

†) Archiv. general. de med. T. 18. p. 114.

ditur; Demours \*) contusionibus externum orbitae latus aficientibus, nervum oculomotorium paralysi affici, eoque strabismum provocari, memorat.

Plagis capiti ingestis produci strabismum omnibus notum est, atque in hoc casu, saepe cum partiali cerebri earumque partium, quae a latere cerebri affecto nervos accipiunt, paralysi conjunctus est, vel etiam ut unicum commotio-nis cerebri symptoma se ostendit; exempla ejusmodi attulernnt Malpighi \*\*) Plater \*\*\*) Gros-sius \*\*\*\*) alii.

Klinke †) observabat strabismi casum, qui organico cerebri vitio nitebatur; Demours ††) virum quendam inter coitum, postquam subito concussionis electricae sensum in capite percepis-set, statim strabismo cum diplopia conjuncto affectum esse narrat.

In his casibus allatis unius alijsve oculo-rum musculi paralysis strabismi causa fuisse vi-detur. Oculorum muscularum spasmo quoque strabismus potest evocari, spasmus ejusmodi ori-ri potest directa oculorum muscularum iritatio-ne, ut in exemplo quod Makenzie †††) referit, ubi infans, postquam oleosum putaminis pomi

\*) Traité de maladies des yeux. T. 3. p. 280.

\*\*) Racolta d'opuscui scientifici e filiol T. 18.

\*\*\*) Observat. med. lib. I. p. 123.

\*\*\*\*) Miscell. N. C. T. I.

†) Diss. de diplopia p. 31. Gött. 1774.

††) l. c. obsv. 392.

†††) l. c. p. 243.

aurantii succum in oculum instillaverat, statim strabismo corripiebatur.

Nonnullae vires quoque in retinam agentes, ut vis lucis continua et nimia in eam, postquam oculus diutius laci non fuerat expositus, saepe produxerunt strabismum, quod probant exempla, quae Deodati \*) et Richter \*\*) narrant. Hoc fortasse eo potest explicari, quod impressio in retinam per nervum centralem retinæ, qui ex nervis ciliaribus oritur, ad nervum oculomotorium propagatur radicis brevis ope, quam hic ad ganglion ciliare emittit; vel eo quod retina amblyopia afficitur.

In morbis, in quibus aucta receptivitas praevalet, saepe strabismum videmus tanquam symptoma, ex. gr. iu hysteria, hypochondria, catalepsi, hydrocephalo, in quo jam Hippocrates \*\*\*) eum observavit; porro in vertigine et in multis febribus. Exempla hujus rei retulerunt Klinke \*\*\*\*), Klanhald †) et Weller ††).

Interdum causa sita est in gangliorum systematis affectione, verbi causa nonnunquam strabismus animadvertebatur ut symptoma morbi alicujus gastrici vel etiam cutanei, ut impetiginis ††), ubi igitur per aliquam metaschematismi speciem hoc vitium in oculi musculos transit.

\*) Valetudinar. p. 287.

\*\*) Anfangsgründe der W. A. T. III. p. 471.

\*\*\*) De morbis. Lib. II. ed. Kühn p. 227.

\*\*\*\*) I. cit.

†) Weller: Augenkrankheiten, p. 390.

††) Guerin: maladies des yeux. p. 44.

Ex maxime diminuta quoque energia systematis sensibilis et irritabilis, quorum vires gravibus morbis fractae sunt, nonnunquam strabismus et diplopia exoriuntur \*) ut imprimis conspicitur in morientibus, in quibus cum ceteris partibus simul etiam oculorum musculi alias post alium paralysi corripiuntur; dum igitur antagonista musculi alicuius jam paralysus affecti adhuc agit, strabismum adesse oportet.

In his omniibus casibus ab initio diplopia adest, quae, quoniam unus oculus prorsus iners fit, postea desinit.

5. *In congenito quoque retinarum formationis vitio causa proxima sita esse potest.* — Interdum enim innormalis retinarum congruentia congenita est, ita ut unius retinae centrum cum alterius centro non congruat, sed cum alio ab hoc magis minusve remoto puncto; atque idem spatii discriminem hoc in casu inter omnes ceteras partes respondentes adest. Quare homo accurati et simplicis visus causa oculorum axium decussationem in re perspicienda evitare, atque oculos ita distorquere cogit, ut amborum oculorum puncta congruentia, sed loco diversa, unam eandemque impressionem patientur. Organa oculorum motoria hoc in casu omnino sana sunt; ante visus sensus eruditioνem oculi directionem normalem servant; simulac vero infans res adspicere incipit, statim

\*) Bonet. Medic. septentr. litt. XXII. cas. 43  
et 44.

etiam visus simplicis causa strabismum sine diplopia, oculis suis necessarium, qui permanere debet per totam vitam, sibi contrahit. — Ut unicum sed certum strabismi ex hac causa orti symptoma Müller afferit diplopiam, quae provocatur, simulatque aegrotus aliam oculorum directionem ad rem perspicendam assumit, quam distortam istam sibi propriam. — Jam de la Hire \*) et Troxler \*\*) praecipue vero Müller in hac deformitate strabismi causam invenerunt.

Makenzie \*\*\*) casum etiam afferit, ubi unius oculi retina omnino desiderabatur, quo vitio strabismo oriri debere, facile intelligitur; num observationes ejusmodi ab aliis quoque factae sint, equidem nescio.

6. Denique in aliquo partium bulbum cingentium vitio, quo ambo oculi, vel unus e positione normali moventur causa inesse potest:

a. Tumor aliquis in orbita se excolens oculo directionem vitiosam tribuere potest, quo paulatim etiam substantia musculorum oculi mutetur necesse est; in hoc casu saepe simul exophthalmus adest. — Per symblepharon quoque bulbus situm innormalem potest accipere.

b. Vitiosa orbitae directio strabismi causa

\*) Prestley's Geschichte der Optik. Leipzig 1775.

S. 468.

\*\*) Troxler in lib. cit.

\*\*\*) libr. cit.

esse potest: Professor Rossi \*) qui plura adulterorum hominum cadavera, qui strabismo laboraverant congenito, perquisivit, orbitam horum hominum magis minusve obliquam reperit, cum in statu normali pyramidem rectam formet; apex enim in iis, qui strabismo congenito affecti fuerant, aut sursum aut deorsum, aut interiora aut exteriora versus vergebatur. — In alio homine, in quo orbitae apex non declinabat, innormalis musculi alicuius insertio strabismum provocaverat.

Rossi ex his observationibus concludit:

1. Vitiosa orbitae formatione normalem musculorum ad eam adnexorum directionem mutari, eoque contractiones eorum fieri irregulares: nam cum horum musculorum alter alterius antagonistia sit, strabismus nascitur si unius energia major sit quam alterius.

2. Quamvis orbitae directio multiplici ratione a norma recedere possit, strabismum tamen modo in sex diversas vias secundum oculorum musculorum directionem consequi posse.

3. Ossificatione orbitae procedente strabismum congenitum in nonnullis casibus deleri posse.

Causis, quae strabismum gignunt, perlustratis, liceat mihi commemorare divisionem hujus vitii a J. Müllero propositam quae in causis

\*) Mem. de l'Acad. Roy. des sciences de Turin.  
Tome 34.

ipsius nititur, et quae quanti sit aestimanda, causis accurate expositis, magis mihi videbatur perspicuum.

Quatuor ab eo statuuntur praecipua strabismi genera:

- I. Strabismus concomitans.
- II. Strabismus lusciosus.
- III. Strabismus duplex.
- IV. Strabismus incongruus.

*I. Strabismus concomitans* s. strabismus mobilis unius oculi.

In universum de hoc strabismi genere haec dici possunt: Oculus strabismo hujus generis laborans mobilitatem suam non amisit, sed sani motiones comitatur; sed sanus autem tantummodo rem in axe suo stantem accurate conspicit, oculus aegrotus vero, quamquam eodem tempore idem spatium percurrit, semper sub certo quodam angulo aversus est a re, quam oculus sanus adspicit. Hinc fit quoque, ut oculus aeger, nisi amaurosi correptus est, morbo incipiente, imaginem videat, quae aequa longe ab imagine vera abest, atque hujus oculi axis a directione normali ad rem objectam et ad oculum sanum recedit. Si jam oculus aegrotus paulatim ad imaginem duplicem evitandam etiam magis a normali axium convergentia decedit, jam hac re imago secundaria minus minusque conspicua redditur, et tandem prorsus evanescit quoniam animi attentio ad sanum oculum solum vertitur, ergo oculus affectus iners fit, et tan-

tummodo oculo sano clauso, hunc statum in normalem relinquit et quamque rem attente adspicere valet.

Ad hoc genus Müller proximae deformitatis causae ratione habita, quinque species diversas refert, quae sunt:

a) *strabismus ciliaris* s. strabismus mobilis unius oculi ex diverso refractionis statu amborum oculorum oris.

b) *strabismus amblyopicus* s. strabismus mobilis unius oculi amblyopia vel amaurosi laborantis.

c) *strabismus oculomotorius*, strabismus mobilis unius oculi organorum oculum movementum vitiis productus.

d) *strabismus assuetus*, strabismus mobilis unius oculi ex consuetudine.

e) *strabismus myopum*, in qua specie ambo quidem oculi eodem refractionis statu gaudent, sed myopes sunt.

*II. Strabismus lusciosus sive luscitas*, strabismus immobilis unius oculi; visus obliquus. — Proxima causa hoc in casu aut:

1) in orbita ipsa sita est, et tum quidem semper est laesio organica, vulneratio, suppuratione alicuius oculi musculi, laesio nervorum motuum inservientium, tumores, dacryoadenitis, orbitae inflammatio, earumque sequelae; — aut

2) proxima causa ex cerebro exit et generis paralyticci est.

*III. Strabismus duplex*, strabismus amborum oculorum. Ad hoc genus Müller prius refert eum strabismum, qui etiam in sano oculorum statu adest, et quidem respectu rei

remotae oritur, si rem prope sitam ambobus oculis attente adspicimus.

Tum vero hoc strabismi genus in morbosis quoque statibus existit, et quidem ut symptoma universalis nervorum debilitatis, helmenthiasis, hysteriae, choreae St. Viti, omniumque nervorum vitiorum, qui affectionibus spasticis insigniuntur, denique ut sequela morborum cerebri organicorum, imprimis hydrocephali interni. Oculorum musculi aut spasio aut imperfecta paralysi affecti sunt; strabismus jam convergens est, jam divergens, plerumque non continuus, nisi vitio cerebri organico adductus.

IV. *Strabismus incongruus*, strabismus ex perversa visus camporum congruentia profectus.

### Prognosis.

Prognosis in casibus diversis diversissima est, et plerumque causis quae strabismum efficerunt constituitur. In universum dici poterit, hoc vitium potius deformare esse, quam ulla ratione vitae periculum adducere, etiam per totam vitam perduret. — Ubi causae removeri nequeunt a sanatione quoque abstinere debemus; sed etiam casus sunt, in quibus sanatio, quamvis fieri possit, tamen non est admittenda, ex gr. ubi strabismus ut remedium diplopiae existit; *huc pertinet illud strabismi genus quoque,*

quod Müller strabismi incongrui nomine insignet, ubi perversa visus camporum congruentia adest. Cum hic organa oculi motoria sana sint, remediis aptis normalem bulbi positionem revocare quidem possemus, sed ea ipsa sensus functionem turbaremus et diplopiam, quod vitium natura evitare studet, provocarerius. Non minus salutaris strabismus est, qui corneae vitio vel vitiosa lentis positione nascitur, ut in aetiolgia vidimus, quare etiam in hoc casu sanatio non est permittenda.

Strabismi symptomatici prognosis a vitii, quod strabismus comitatur, natura pendet, atque illius prognosi strabismi quoque prognosis statuitur.

Insanabilis habendus est strabismus; si vitiosa muscularum insertio vel formatio ejus causa est. — De ceteris, sanabilibus strabismi casibus, dicere possumus, quo gravius vitium sit, quo diutius perduraverit et quo plures annos homo, illo affectus natus sit, eo difficiliorem esse sanationem; — si oculus aegrotus jam amaurosi corruptus est, sanatio omnino non potest effici. — In infantibus strabismus saepissime sanatur, multo rarius in adultis. — Nonnunquam sine artis auxilio vitium evanescit corporis evolutione progrediente; contra fere nunquam aetate provocatiore spontanea strabismi idiopathici sanatio sperari potest.

### Cura:

*Prophylaxis in strabismo magni est mo-*

menti et omnino non negligenda. Cum infantes propter magnam mobilitatem atque infirmitatem motuum oculorum praecipue ad hoc vitium proclives sint, in quovis infante contra illud pugnandum est.

Neonatorum oculi ita sunt adsuefaciendi ut, quaecunque strabismum gignere possunt, sedulo evitentur. Geterum in excolendo visu tandem est ne infans rem aliquam certo quodam spatio remotam solam, omnibus aliis neglectis, semper adspiciat. Nihil magis nocet, quam si supra infantium lectos res nitentes vel alio modo insignes adsunt, quibus illi in solitudine perliciuntur, ut eas continuo et attente adspiciant. Non minus vituperanda est nutricum consuetudo, infantibus crepundia semper proxime ad oculos admovendi, quoniam infantes eo ipso certae oculorum convergentiae assuescunt. — Quoniam porro experientia docuit, infantium studium imitandi saepe huic vitio gignendo ansam praebuisse, homines strabismo laborantes, si fieri potest, ab iis arcendi sunt.

Ludenti infanti occasio praebenda est, quilibet res quovis spatio ab oculis remotas adspiciendi.

His regulis observatis una saltem via, qua strabismus frequenter nascitur, evitatur.

Ad sanandum vitium exortum multa commendata sunt remedia, sed in pluribus casibus parum aut nihil auxilii attulerunt. Causa praecipua, cur nihil effecerunt, in eo posita esse videtur, quod haec remedia saepe in casibus adhibita sunt, ubi prorsus non erant apta, ergo nihil juvare poterant.

Antequam remedium aliquod adhibeamus, si fieri potest, strabismi causa investiganda est, ut inde concludamus, utrum vitium sanari queat, nec ne, et qua medendi methodo, si sanabile sit, uti debeamus, — an non fortasse sanatio, qnamvis fieri possit, tamen sit repudianda. Hoc valet de strabismo, quem Müller incongruum apellat, i. e. ubi puncta ambarum retinarum congrua, loci respectu sibi non respondent; porro de iis casibus, in quibus propter cornea obliquitatem, vel vitiosam lentis positionem, ut res simplices appareant, innormalis oculorum directio permanere debet, qua corrignenda vitium cum pluribus molestiis conjunctum, diplopiam, provocaremus.

Si strabismus modo vitii remoti symptoma est, illud praecipue respiciendum est. Morbosam nervorum alienationem, si accusanda est, nos tollere oportet; stimuli consensuales removendi sunt. Cum strabismus ejusmodi symptomaticus saepe abdominis irritationem sequatur, Makenzie suadet, ut initio tentemus, quid una duaeve purgationes alvi efficere valeant; tnm sequi jubar remedia leniter laxantia et diaetam sedulo constitutam. Cum infantes strabismo affecti saepe debiles sint atque etiam scorphulis laborent, remedia tonica quoque, aliquamdiu adhibita auxiliu latnra esse arbitratur.

In strabismo idiopathicō praecipue respiciendum est: *ad congenitam vel acquisitam oculi debilitatem — atque ad turbatam in muscularum actione harmoniam.*

Si strabismus e diverso refractionis statu amborum oculorum pendet, ea modo remedia

juvare possunt, quae vim videndi oculo debiliori restituunt. Quo consilio non sine utilitate haec adhibita est methodus, qua etiam uti possumus, ubi praecipue musculos corroborare atque harmonicam eorum actionem restituere cumpius. Oculus sanus, imprimis agens, obtegendus est, atque aegrotus et neglectus solus in rebus quolibet spatio remotis accurate cernendis est exercendus. Simulatque oculus sanus fascia clauditur, affectus positionem suam naturalem in orbita et motus naturales recipit. — Ab initio oculus sanus tantum in horam dimidiam obtegitur — et deinde paulatim in longius temporis spatium. — Si aegrotus aetatis puerilis est, admoneri debet, ut oculum debilem pila ludens exerceat, locaque visat, unde longe latque prospectus pateat, etc. — Si haec agendi ratio diutius continuatur, aegrotus visum sensim sensimque meliorem fieri sentit, atque quamvis, fascia oculo sano demta, strabismus recurrat, eum tamen jam diminutum videmus, atque in dies magis diminui.

Roux et Beer optimo cum successu hanc methodum adhibuerunt; atque posterior se in plerisque casibus sanationem perfecisse narrat, oculo sano quotidie per nonnullas tantum horas obiecto.

Buffon suadet etiam, ut aegrotus ad oculorum diversum refractiones statum aequandum perspicillis ex diversis laminis vitreis compositis utatur, ita ut ante oculum aegrotum lamina plana sit, ante sanum convexa. Hoc modo oculi debilis visum fieri magis perspicuum, sani vero

oculi minus perspicuum, ita ut hic oculus jam minus valeat, altero inerte, solus agere.

Si ambo oculi strabismo affecti sunt, ut in myopibus, alternatim tegendi sunt, atque quidem, ut Makenzie praecipit, statim in nonnullos dies.

Ad efficiendum, ut rursus voluntarii fiant et consentientes amborum oculorum motus commendati sunt;

*tubi paralleli*, per quos oculi cogentur rem directione recta adspicere; sed eorum usus effectum faustum non praebet; cum enim homo tantum oculo sano videat, atque alter, strabismo laborans ab eius axe remotus sit, ille mod⁹ rem per tubum adspicit, dum alter tubum praejacentem nihil curabit.

Weller \*) praecipit, ut infundibulum breve ex charta densata compositum, cuius basis ovalis sit, sic adhibeatur, ut ambo oculos includat. Eo loco, qui supra nasum situs sit esse debere foramen ambitu fere unius pollicis. Per hoc instrumentum aegrotus videat et sensim sensimque legat, oportere. Si vero unus oculus jam iners factus est, hic apparatus non plus proderit, quam tubi illi modo descripti.

In strabismo divergente amborum oculorum praecipitur, ut particula emplastri nigri nisi apicī adglutinetur, ut aegroti oculos in se vertat et directionem divergentem corrigat.

Aliam oculi debilis exercendi methodum Dr. Jurin \*\*) commendavit:

\*) Weller: Augenkrankheiten.

\*\*) Essay ou Distinct, and Indistinct Vision.

Medicus aegrotum ante se consistere, oculum sanum claudere atque altero se adspicere jubet. Si jam videt oculi axem directe in se versum, aegrotum roget, ut hanc axis directionem servet et alterum oculum aperiat. Statim oculus distortus a medico adspecto deflectitur, dum sani oculi axis nunc ita directus est, ut antea affecti. Sed patientia atque iteratis experimentis medicus aegrotum tandem eo adducit, ut oculo sano aperto saltem per breve tempus oculi distorti directionem rectam servare valeat. Si aegrotus jam eo venit, ut continuo amborum oculorum axes in medicum dirigere valeat, si hic directe ante ipsum stat, aegroti positio est mutanda; primo nimirum ad unum medici latus, deinde ad alterum stare debet, ut etiam in his positionibus oculum strabismo affectum exerceat. Si tandem aegrotus in omnibus positionibus amborum oculorum axes perfecte et facile in medicum dirigere valet, sanatio est confecta. Homo adultus hanc exercitationem etiam, nemine adjuvante, speculi ope, quamvis non ita facile, instituere potest.

Rossi \*) ad strabismum curandum perspicilla denigrata commendat in quibus lamina vitrea, quae ante oculum sanum est, modo rimam transversam, — quae ante affectum est, rimam ex media parte ad illud latus, a quo per strabismum oculus avertitur prolongatum habet, ut oculus aegrotus luce clariore lateralii irritatus ad eam se advertat.

\*) Rossi: Revue medicale.

Memoratu digna sunt etiam perspicilla ab optico Kulmannio commendata, quorum propria conditio haec est: Loco laminarum vitreorum in perspicillis vulgaribus in his reperiuntur laminae stanneae, rima perpendiculari, ovali, instructae; in adhibendis his perspicillis 10 — 12 harum laminarum paria requiruntur eo diversa, quod primum par rimam dimidium pollicem latam habet, quae in quovis pari sequente angustior fit, ita ut in postremo nonnullas modo lineas lata sit. Initio laminae latissima rima instructae adhibentur et sic deinceps cetera paria, ut spatium, per quod oculus, strabismo laborans a directione normali aberrare possit, progressive magis magisque minuatur. — Hic apparatus, ut facile intelligitur, in iis tantum casibus prodesse potest, in quibus strabismi causam innormalis muscularum actio praebet. — In casibus ejusmodi in nosocomio Dorpatensi quoque bis vel ter haec perspicilla fausto cum eventu in usum vocata sunt.

## T H E S S.

- I. Febris intermittens est morbus nervorum.
  - II. Non exstat stadium fastigii in morbis.
  - III. Non exstant morbi mere dynamic.
  - IV. Sanguis vita non caret.
  - V. Haemorrhagia non est morbus per se sed symptoma morbi.
  - VI. Phtisis pituitosa ad phtises veras referenda est.
  - VII. Ligatura in ani fistulis haud omnino rejicienda.
-